

八瓊室金石補正

第四册

八瓊室金石補正卷一

男 繼輝校錄

太倉陸增祥撰

吳興劉承幹覆校

東周

羽陽宮瓦當文

羽陽千秋



右瓦圓徑周尺六寸五分慮僂尺五寸九分今尺

四寸四分舊藏瞿木夫先生 中溶 家今佚郭寬五

分木老題刻其上右曰秦武公宮之瓦左曰瞿莫

生保爲研荄生先生自號也案澠水燕談錄云秦武公作羽陽宮在鳳翔寶雞縣界歲久不可究知其處元祐六年正月直縣門之東百步居民權氏濬池得古瓦五皆破獨一瓦完面徑四寸四分瓦面隱起四字曰羽陽千歲篆字隨勢爲之不取方正始知卽羽陽舊址也武公之初年距今千有七百八十八年矣武功游景叔方總秦鳳刑獄摹刊于石置之岐陽憲臺之瑞豐亭以貽好事者陝西通志云羽陽宮在寶雞縣東陳倉故城內此瓦徑圓正合篆勢亦符惟作千秋爲不同耳仁和趙氏

有重模本孫氏寰宇訪碑錄載之

秦

銅權銘

拓本高周尺二寸八分上廣七寸四分下廣九寸八分十五行行六七字不等又末一行三字字徑三四分篆書藏常熟王氏

廿介季皇帝盡并

廿六季皇帝盡并

兼天下諸侯黔

兼天下諸侯黔首

大安立號尊皇帝

大安立號尊皇帝

乃詔丞相狀日法

乃詔丞相狀日法

度量則不登歉

度量則不登歉

疑者皆明登出

疑者皆明登之

元季制詔丞相斯

元季制詔丞相斯

太尉魏度量奉始

去疾法度量盡始

皇帝為出者六以

皇帝為之者有刻

韓孟公襲號天

韓焉今襲號而

韓孟公襲號天

刻韓不稱始皇帝

其於久遠毆如後

其於久遠毆如後

嗣為出者不稱成

嗣為之者不稱成

功盛德刻以詔

功盛德刻此詔

故刻左也毋疑

故刻左使毋疑

平陽斤

平陽斤

右秦度量銘二按顏氏家訓隋開皇二年之推與李德林見長安官庫中所藏秦鐵稱權旁有鐫銘二其文正與此二銘同之推因言司馬遷秦始皇帝本紀書丞相隗林當依此銘作隗狀遂錄二銘載之家訓余之得此二銘也迺在祕閣校理文同家同蜀人自言嘗游長安買得此二物其上刻二銘出以示余其一乃銅鍤不知爲何器其上有銘循環刻之乃前一銘也其一乃銅方版可三四寸許所刻乃後一銘也考其文與家訓所載正同然之推所見是鐵稱權而

同所得乃二銅器余意秦時茲二銘刻於器物者非一也及後又於集賢校理陸經家得一銅板所刻與前一銘亦同益知其然也故并錄之云

集古錄跋

考古圖云權各高二寸徑寸有九分容合重六兩銘一百有二字又有三字曰平陽斤王氏同又云秦本紀始皇廿六年平六國號皇帝一法度衡石丈尺丞相綰者王綰也二世元年皇帝曰金石刻云云始言金石刻而卒止言刻石據權之文云故刻左則史記石字當爲左字丞相去疾姓馮 鵬按二銘皆權文無所謂秦斤者薛氏不察以一爲權一爲斤遂啓後

人之惑不知斤乃斤兩非斧斤也權形上弁下侈環而刻之故銘字上窄下廣非別有一斤也平陽斤者斤法以平陽爲則耳考古本以平陽斤爲權銘惟銘百字誤以爲百有二字

馮雲鵬雲
鵠金石索

右秦銅權銘閒有剝蝕存全字七十餘據金石索補注其闕案集古錄有度量銘二未載其文此銘當卽所謂銅鍬者也金石索兩載權銘一藏河南李氏一藏河東王氏形製銘詞均與此同而篆體迥異彼用李斯筆法此與鼎彝款識相類尤得古致第三行號字下似是冪而彼作爲爲不同耳其

據薛氏載入者則卽歐公所謂銅板也號下一字
與此刻相似而亦釋作爲余蓄此拓本十餘年矣
物爲常熟王蓉洲憲成所藏曩在史館蓉洲時官
比部嘗造訪索觀焉銅質精堅光耀射目愛不忍
釋者久之後蓉洲轉侍御遷給諫簡擢巡道未任
卒於半塗展紙摹錄曷禁憮然

衛屯瓦當文

衛屯



按史本紀秦二世元年復作阿房宮盡徵其材士五

萬人爲屯衛則秦時已有衛屯矣西京賦衛尉八屯
警夜巡晝蓋漢沿秦制也

石索

圓徑七寸五分亦瞿氏故物今佚漢書百官表衛
尉秦官掌宮門衛屯兵程氏以衛字瓦屬諸衛尉
寺觀此益信秦漢皆有衛尉萃編次衛瓦於秦以
類從之訪碑錄分列衛衛屯於秦漢未審其區別
之故

八瓊室金石補正卷一終

八瓊室金石補正卷二

太倉陸增祥撰

男 繼輝校錄

吳興劉承幹覆校

漢一

羣臣上醺刻石

高五尺二寸五分廣六寸一行十五字字徑三寸許篆書在永年

趙廿二季八月丙寅羣臣上醺山石

右趙刻石在直隸廣平府永年縣西六十里婁山向未箸錄邵武楊兆璜守廣平時訪得之沈西鰲交翠軒筆記以為石虎時所刻非也石勒以太興二年稱

趙王後廿二年爲石虎之建武六年石虎篡立自稱
建武必不仍冒勒之年數爲紀若當時刻石宜書建
武六年未必概書趙廿二年虎伐燕不克由襄國至
鄴在是年之冬而此題八月丙寅亦與史不合容案
史記趙世家趙自武靈始稱王其廿一年攻中山合
軍曲陽攻取丹邱華陽鴟之塞王軍取鄣石邑封龍
東垣中山獻四邑和王許之罷兵二十三年又攻中
山不書廿二年事者當是兩年中直貫下耳以術法
推之武靈王廿二年當周赧王之十一年赧王元年
丁未爲中元九十八章之首是年正月朔當爲癸未

又推至十一年八月得辛亥則丙寅乃八月十六日也趙都邯鄲去婁山甚近或當時得中山四邑羣臣上壽此山因而刻石亦紀功之意董仲舒春秋繁露故壽之爲言猶醕也此刻作上醕尤足考見古義篆書古勁與秦刻石相埒西雖以爲隸書亦誤

張德容二銘艸

堂金石聚

趙撝叔

之謙

補寰宇訪碑錄以此爲漢石之冠云

大興劉位坦攷爲西漢文帝後元六年左側有口
口判官郁久間明達題名乃北魏人書之謙按此
漢祖刻疑爲石趙者非祥按沈劉二說未見攷趙

幽王友以孝惠元年王趙趙廿二年當文帝七年
通鑑目錄是年七月辛丑朔九月庚子朔則八月
不得有丙寅友在趙十四年呂后召置邸館遂幽
死亦無廿二年孝文卽位立幽王子遂爲趙王其
廿二年爲文帝後元六年是年八月癸卯朔廿四
日直丙寅劉氏所言蓋趙王遂之廿二年也以五
鳳石刻魯世四年例之書法正同又攷趙肅侯語
元年當周顯王之廿年凡廿四年而卒子武靈王
立武靈王雍元年當周顯王之四十四年其廿二
年當赧王之十一年張松坪以此爲武靈王之廿

二年亦無不合惟以筆勢審之似與秦篆差異丙寅二字轉筆方折全是隸意仍從劉氏定爲西漢時物甲戌夏從松坪借錄左側題字未見

元鳳塼文

長八寸四分厚一寸四分
分書反文在陽湖呂氏

元鳳二年七月

鮑宅山鳳皇畫象題字

拓本三紙一高一寸八分廣四寸五分二字字徑一寸六七分一高二尺三寸五分廣二尺畫麟鳳各一行相向左上方題字一行五字字徑寸餘再左又題一行亦五字字徑四寸許一高二尺六寸廣二尺二寸畫一鳳大倍於前左方題二字一徑四寸一徑二寸均分書在蘭山

元□

二月七日鳳

東安王鉉元

鳳皇

右鮑宅山鳳皇畫象題字在蘭山摩崖工人省紙
分拓高廣位置均不得詳姑就所見錄之趙撫叔
補訪碑錄作元康張松坪太守以爲元狩審視拓
本似是鳳字二月七日下一字不可識疑是成或
卽鳳字案漢書昭帝紀始元三年冬十月鳳皇集
東海遣使者祠其處七年八月改元元鳳應劭曰